

جریدہ علیہ

مستقیمت جلدہ اسلامیکہ جریدہ رسمہ سید

جمادی الآخرۃ سنہ ۱۳۳۹

عدد ۶۶

شمذیلک آیدہ بر نشر اولنور

آلتعجی منہ

بونلردن برینه ملاقاتکنزده سزه فکر الوهیت صاحی اولدینغی اوزون اوزادی به بسط
وتفصیل ایدر وکویا سزک کبی بر مؤمن الہی اولدینغی حقدہ سزی اقناعه چالیشر فقط
حقیقتہ نبوتک عد واکبری تکالیف الہیہ نک، شرائع منزله نک خصم بی امانیدر . نبوتک
تبلیغ ایتدیکی دین وشریعت سیاست دنیویہ نقطہ سندہ موضوع عقلا اولان سیاستدن اتم واکمل
اولدینغی آشکار ایکن بو یادکارلر بو مسئله ده دخی مکابرہ ایدرلر حضرت شیخ عارف بالله
بو مبشده دیورکه (عقلادن هیچ کیمسه بو خصوصده معانده ایتمامشدر یالکیز علمیه
نفسنک خیرینی تقدیر اتمه رک کندی هواسنه تبعیتله ابنای جنسی اوزرینه ریاست مبتلائی
اولان وکندی نفسی، قدرینی، ربی بیلمیان مستنادر) فی الحقیقه نبوتہ معارض اولان
بعض ارباب تصالف صرف نفسانی بر غرض ایله بو خالترین مقتضای فن و فلسفه اولوق
اوزره صاتوب خلق آرمه سندہ کندیلرینه برپایه ویرمهک چالیشر لکه اساساً بونلرک کندی
نفسلرندن ده، قدر، ودرجه لرندن ده، ربلرندن ده اصلاً خبرلری یوقدر حضرت شیخ
(بناءً علیه عالمده وضع شریعتک اصلی وسبی صلاح عالم ایله الہیاندن عقلک بالنظر مستقلاً
ادراکنه قادر اوله میه جفی علومی تعلیمدر . ایشته کتب الہیہ بو علملری بیلدیرمک ایچون
نازل وبونلرله السنہ زسل وانبیا ناطق اولمشدر . بو جهته عقلای ناس کندیلرینک علم
باللہک برطاقم مسائلنده ناقص اولدقلرینی وبونقصانلرینی انبیانک اکال ایتدکلرینی بیلدیلر)
وضع شریعت تدبیر مملکت امورندن در . شریعتک اخلاقیات واجتماعیات وسیاسیات حقدہ کی
خطابات و تکالیفی صلاح عالم ایچونددر . منکر شرائع اولانلر بو جهتدن غافلدرلر . شریعت،
صلاح عالمدن بشقه عقلک بالاستقلال ادراک ایدمیه جکی علوم الہیہ بی تعلیم ایچونددر .

سید نسیم

جمل حکمیہ

« من لم یحترف لم یتلف » برکار وکسب ایدنمین کیمسه بییه جک شی ایدینه من .

§

عاقل عقلیه، جانور قوتیه یاشار .

§

هرشی عقله، عقلده تجربیه محتاجدر .

§

عاقل اولان ياننده كي ترياقه (مضاد سم) اعتماداً زهر ايجمز .

§

عاقل ايله مشاوره ايتديك وقت عقلی سنك اولور .

§

عقللی اولان انسان طاغ کيدر . طاعی نه قدر شدتلی ده اولسه روزکار ایرقالاتا یامادینی کی عاقلی ده رتبه رفیعہ مغرور اتمز . عقلی آز اولان انسان ده قورومش اوتلر کيدر . قورو اوتلری آز بر روزکار قالدردینی کی عقلی آز اولانی ده اوافق بر رتبه مغرور ایلر .

§

حجاج کویلی بر جوجفه « انسانلرک الک عقللیسی کیمدر ؟ » دییه صورمش . چوجقده جواباً « زمانک انسانلریله مدار ای نی یاپاندر » دیمش .

§

خليفة منصور اوغلنه سویله نصیحت ایلهمش : « خذعنی ثنتين لا تقبل بغير تفكير ولا تعمل بغير تدبير » یعنی بنم شواکی سوزیمی طوت : دوشونمدهن سویله مه ، تدبیرسز ایش ایلهمه .

§

اذا كنت ذا رأى فكن ذا عزيمة ۞ فان فساد الرأى ان تردددا .
یعنی صاحب رأى ایسهك صاحب عزم اول چونکه رأىك فسادى تردد ایتمکدر .
(تردد ایتمکه رأى فاسد اولور دیمک ایستر)

§

« من غلا دماغه فى القيظ غلت قدره فى الشتاء » یعنی یازین کیمک بینی قاینارسه قیشین آنک چومدی قاینار . (چالیشان یر ، یشار . چالیشان یشامق اچین ییهجک بولاماز دیمک ایستر)

§

برکوپهك بر کیکی قوغالارمش . کییک دیمش که — سن بکا یتشه عزسك .
کوپهك — نیچین . دیمش .
کییک — چونکه دیمش « بن کندم اچین قوشییدورم . سن ایسه صاحبك اچین قوشییدورسك .

§

« صبرك على الاكتساب خير من حاجتك الى الاصحاب » (قازا ائمه نك زحمتنه قاتلا نملك
آرقاداشه عرض احتياج ائمه كدن خير ليدر .

§

حضرت على (رض) بيورمشلر كه « المال فى الغربية وطن والفقر غربة فى الوطن » :
غربتده مال وطندر ، فقر وضرورت ده وطنده غربتدر .

§

خاتم الانبيا (عم) افندمزدن روايت اولنيور بيورمشلر كه « الا آدمى بنيان الرب
ملعون من هدمه » : بنى آدم رب العالمينك ياييسيدر . آنى ييقان ملعوندر .

§

حديث شريفده وارد اولمش حضرت پيغمبر (عم) افندمزدن بيورمشلر كه « تداركوا
المهموم والغموم بالصدقات يكشف الله عنكم ضرركم وينصركم على عدوكم وبثبت عند الشدايد
اقدامكم وافضل الصدقة على القرابة والقرض افضل من الصدقة » : غم وغصه لره
صدقه لره يتيشك كه الله تعالى سزدن فنا حالى آچسين (ازاله ايلسين) ودشمنكيز اوزرينه
سزه نصرت ايله سين وشدايد زماننده سزى ثابت قدم ايله سين (يعنى سزه متانت
ويرسين) . صدقه نك افضل ده آقربايه اولاندر . اقراض ايسه صدقه دن افضلدر .

§

ينه پيغمبرمزدن افندمزدن حضرت تبرى بيورمشلر كه : « خير المسلمين من واصل او اعان »
مسلمانك خير ليسى اقرباسنه صله ومحتاجينه معاونت ايده نلدر .

§

عبدالله بن زبير حضرت تبرى بيورمشلر كه برانسانك كندى اخلاقى كوزل اولورسه
خدمتچيسنك اخلاقى فنا اولور بناء عليه خدمتچيلرمزك اخلاقى كوزل اولسون ديه
كندى اخلاقى فنا لاشدير امين .

§

بركيسه حضرت پيغمبر عليه السلام افندمزدن سؤال ايتمش ديتش كه خدمتچي يى نه
قدر عفو ايده لم . حضرت پيغمبر (عم) سكوت بيورمش ، تكرار ايتمش ينه سكوت
بيورمش . اوچنچى اولونجه « كونده يتمش كره عفو ايت اونى » بيورمش .

احمد راسم عوفى